

洪朝選研究叢書之一
洪福增 編著

洪芳洲公年譜

洪朝選研究叢書之一

洪 福 增 著

洪芳洲公年譜

公元一九九三年十一月初版

洪芳洲公年譜

編著人：洪福增

住址：台北市銅山街十七號

出版者：洪朝選研究會

發行者：洪朝選研究會

廈門通訊處：廈門市公園南路二號

電話：二二三二九六

台北通訊處：台北市銅山街十七號

電話：三二一—四九四四

印刷者：優文印刷廠

廠址：台北縣土城鄉永豐路一九五巷二九號
電話：二六二—二三七九

所有
版權
必究
翻印

洪芳洲公年譜

洪福增

公諱朝選，字舜臣，一字汝尹，號芳洲，別號靜庵，幼名天民，福建省泉州府同安縣翔風里十三都柏埔庄即今新店鎮洪厝村人氏。柏埔始祖先世，由河南光州固始縣移居泗州之盱眙縣，後徙徽州婺源之黃荆墩，再徙江西鄱陽府樂平縣東之岩前豐化橋、湖圍一帶，時以鄱陽洪氏支派稱謂。柏埔一世祖十九郎公，諱植，字宣明，官號承事郎，宰福建泉州武榮，即今之南安縣。宋孝宗隆興年間徙居同安縣翔風里十三都柏埔庄，妣郭氏，生二子，長希煬爲柏埔傳派；次希焰，徙居嘉禾二十一都洪塘，爲崗頭傳派。植公父邁公，字興邦，一字景廬，別號容齋，歷知福建泉州、建寧等府，累官至端明殿直學士資政大夫，封和國公，卒年八十，謚文敏，著有夷堅志、容齋隨筆、萬首唐人絕句等書行世。王父皓（時）公，字公弼，及第狀元，宋高宗建炎二年使金國，留金十五年堅苦不屈，還朝，上表其忠，授徽猷閣直學士，兼直學士院、右朝散大夫，封鄱陽郡開國侯，卒贈太師魏國公，謚忠宣。柏埔派傳至公十二世。公王父十世祖建中公，諱蕤賓，號簡軒，家資富有，納粟奏名欽賜義民。以公貴，誥贈通議大夫刑部左侍郎，生於明正統甲寅年，卒於弘治癸亥年，享年七十。元配某氏生二子，長匯，字體章，納粟欽賜壽官；次河，字體汾；繼配黃氏，同邑西界洪塘頭人，生於成化癸巳年，卒於嘉靖庚申年，享年八十有八，生二子，長溱，次洧。十一世祖溱，字體清，號鄭川，公父也，因公貴，初誥封通議大夫南京戶部山西清吏司郎中，再封都察院副都御史，三封刑部左侍郎，生於弘治丙辰年，卒於萬曆戊寅年九月初九日，壽

八十三。公母葉氏莊懿孺人，同邑嶺下人，嶺下之葉，爲邑中望族。孺人生于弘治癸丑年，卒于嘉靖壬戌年，享年七十，誥封宜人。生三子，長公朝選。朝選之名，爲鄉賢林希元公號次崖所賜字，取其爲朝廷所選用之意；次朝夔，字汝一，號拱山，邑廩生；三朝冕，字汝穆，號端齋，邑庠生，贈文林郎。公生於明正德十一年丙子農曆八月廿九日子時，卒於神宗萬曆十年壬午農曆正月廿四日，享年六十有七。原配林氏，早卒無出，公貴後，贈淑人；繼配蔡氏端淑淑人，生三子，名兢、況、沉；再娶朱氏慈淑淑人，生一子名堯（原名冤），側室邱氏，生一子，名克。

明武宗朱厚照正德十一年丙子

（公元一五一六年）

公一歲

是年農曆八月二十九日子時，公出生於福建泉州府同安縣翔風里十三都柏埔庄，今稱洪厝村，爲鄭川公之長子。據地理師云，柏埔庄爲金鉤釣鯉魚穴，來龍起自鴻漸山，至九寶山聚力後，由南轉西，行至補龍處，成爲平地，東西兩旁地勢驟低，分成兩浚溝，流水潺潺，地勢由南而北，走至洪厝村，灣曲成鉤形，洪氏家廟、祠堂以及村民住宅，依鉤之形勢，皆坐北朝南。九寶山立在柏埔庄東南，其上奇石甚多，原有筆架、棋盤、金箱、玉印、石梅、仙床、石龜、石牛諸勝。山之麓有溫泉，四時不涸，質鹹味苦，濯之能治療百毒，現已被破壞無存。金山位於柏埔庄之西南，形如金字塔，與九寶山相朝對，拱衛柏埔庄。鯉魚墩則在柏埔庄之北，洪厝港之中。明朝時，墩高數尺，周圍數十丈，潮漲則沒，潮退則現，可以泊舟，惟現已淤塞成陸地。相傳公出生時，鯉魚墩曾發出香氣，數日不散，公因之號爲芳洲（見重印同安縣誌卷之八名勝第二二一、二一四頁）。

（見重印同安縣誌卷之八名勝第二二一、二一四頁）

今洪厝村洪氏家廟楹聯，尙留有「埔名松柏，九曲來朝，祖德長流鯉渚；廟合東西，一鉤回向，地靈永固金山。」另一爲：「東寶西金，明秀拱朝，應卜地靈人傑；南龜北鯉，精華類聚，定期鳳起龍騰。」。公之故居亦有「堂坐金鉤呈瑞氣，庭栽鐵樹靄祥光。」之聯對。

正德十二年丁丑

(公元一五一七年)

公二歲

正德十三年戊寅

(公元一五一八年)

公三歲

正德十四年己卯

(公元一五一九年)

公四歲

公生而早慧，已能讀書識字，鄭川公授以千字文，公能依吾背誦不漏。是年六月寧王朱宸濠叛亂，汀贛巡撫副都御史王守仁，號陽明，奉命剿滅。

正德十五年庚辰

(公元一五二〇年)

公五歲

公年漸長，鄭川公教之漸緊，公學亦愈進。

正德十六年辛巳

(公元一五二一年)

公六歲

是年三月，武宗崩，享年三十一歲，遺詔由興獻王長子朱厚熜嗣位，是爲世宗，改國號嘉靖。公天資卓越聰慧，記憶尤佳，讀書不過數遍，迭能背誦無誤；尤善誦詩。鄭川公知其爲可造之

材，器之。乃專心鄉居教子，不尙仕途，以布衣終其身。

世宗嘉靖元年壬午（公元一五二二年）

公七歲

是年鄉賢南京大理寺評事（正七品）林希元，字茂貞，一字懋貞，號次崖，正德十二年丁丑科進士

。條上新政八要，曰：務正學、親正人、用舊臣、清言路、急交修、持久大，息中關機務以拔禍根、罷中官鎮守以厚邦本。皆切時弊，尤以清言路及革除鎮守二事，爲當時人所不敢言者。

世宗納其議，遂罷諸鎮守及內臣。旋遷次崖公爲寺正（正六品）。嗣因議供奉樊宣獄事，忤都督僉

事（正五品）江彬（樊宣犯死罪，法司懼江彬，欲輕之，次崖公堅持不可，竟置之重僻，江彬因而怨之。）及大理寺卿（正三品）陳琳等（巡城御史譚魯，私

擅問斷，不知會法司，次崖公以其侵犯法司權職，且所斷情罪不當，應駁。譚請陳琳爲解，次崖公不從，陳竟論以抗拒罪。）被誣抗拒罪，摘爲泗州判官。

嘉靖二年癸未（公元一五二三年）

公八歲

是歲，公妻蔡氏端淑出生於泉州府晉江縣安平嶼頭蔡家，父諱田，號雙崖，行賈致富，母黃氏。

林次崖公因巡按御史劉某無禮，不爲之屈，棄官歸鄉，從事讀書解經。

嘉靖三年甲申（公元一五二四年）

公九歲

是年，汀漳盜起，波及同邑。邑令周惟曾率兵剿之，追賊至雞母岫，賊奔德化。

嘉靖四年乙酉（公元一五二五年）

公十歲

公好讀書，善屬文，不喜嬉玩，鄭川公以公年已長，督之勤，期其能成大器。

嘉靖五年丙戌（公元一五二六年）

公十一歲

是年鄉賢王公慎中，字道思，初號遵巖居士，後號江南，晉江人，年十八，舉嘉靖丙戌科進士

。授戶部主事（正六品），尋改禮部祠祭司（分掌諸祀典及天文、國恤、廟諱之事）主事，後遷吏部考功司（掌官吏

黜陟之事）員外郎（正六品），其後擢山東提學僉事（正五品），提督學道，旋轉任江西布政使司參議

（從四品），進河南布政使司參政（從三品）。四方名士唐順之（字應德，號荆川，武進人）、陳東（

字約之，號后崗，鄞人，舉嘉靖八年進士，授禮部主事）、李開先（字伯華，號中麓，章丘人，嘉靖八年進士，官至太常寺少卿。

世。性好蓄書，其藏書之名聞天下。隆慶二年卒，年六十七。）趙時春（字景仁，號浚谷，平涼人，嘉靖五年會試第一，選庶吉士）

熊過（字淑仁，號南沙子，富順人，嘉靖八年進士，累官至禮部郎中。）任瀚（字少海，南充人，嘉靖八年進士，授吏部主事，遷考功司郎中。）呂高（字山甫，

丹徒人，嘉靖八年進士）俱重其才學，爭與交遊，彼此道誼義氣，成相莫逆，時有「嘉靖八才子」之稱。此外，李遂（字邦良，號克齋，又號羅山，豐城人。嘉靖五年）華察（字子潛，號鴻山，無錫人，嘉靖五年進士

，遷庶吉士，歷兵部郎中，翰林修選，）
侍讀學士，掌南院事，工詩，性樸素，）
江以達（字子順，號午坡，貴溪人。嘉靖五年進士，累官福建

（）
屠應峻（字文升，號漸山，平湖人，嘉靖五年進士，由）
郎中改翰林，官至右春風右諭德。工詩文。）
（）
陸銓（字選之，號石溪，鄞人，嘉靖二
年進士，官至廣西按察使，廣東
布政使。）
等，亦慕其才學而與交遊。公長後，與之相處甚歡，獲益良多，並結爲親家（公三子沉，
娶王公女爲妻。）

妻。）

嘉靖六年丁亥（公元一五二七年）公十二歲

（公元一五二七年）

次崖公因方獻夫、霍韜之推薦，授廣東按察使副使（正四品），掌鹽政與屯政。未幾改任廣東提學

僉事。方獻夫初名獻科，字淑賢，號西樵，南海人。弘治十八年進士。歷吏部員外郎，累官至

吏部尙書

（吏部掌天下官吏選授、封勅、考課之政令，以甄別人才，贊助天子治國。）

，入閣輔政。卒諡文襄。霍韜字渭先，初號兀涯

，後更號渭涯，南海人。正德九年進士。累官至禮部尙書

（禮部掌天下禮儀、祭祀、宗封、宴饗、貢舉之政令。）

，卒諡文

敏。

嘉靖七年戊子（公元一五二八年）

（公元一五二八年）

公十三歲

公文思穎異，學業猛進，每發驚人語，人互奇之。鄭川公以公學識增長，乃令其從王師白石習經、文、詩、詞。王師名佐，字子才，號白石，同邑翔風里大嶺人，嘉靖壬午科舉人。初知睢州，擢高州同知，南京戶部員外郎，以持議忤大司農，出爲兩淮運司。爲人剛介，家甚清白。

壽八十三。

嘉靖八年己丑

（公元一五二九年）

公十四歲

公性聰慧，肆力於所學，迭有佳作，王師極嘉許之，謂其將來必成大器，前途未可限量也。

嘉靖九年庚寅

（公元一五三〇年）

公十五歲

公文詞大進，尤喜作古詩，王師奇其才之敏捷，屢誇之於鄭川公，鄭川公唯唯，心竊喜之。

嘉靖十年辛卯

（公元一五三一年）

公十六歲

是歲，林次崖公由廣東提學轉任南京大理寺丞（正五品）。過鄉，公往拜謁，示以所作詩文，林公驚異爲嶰竹渥駟，非人間凡品，極加稱贊。以其有大志，他日必能揚名吐氣，許以兄女，並攜之入南京，授以春秋。

嘉靖十一年壬辰

（公元一五三二年）

公十七歲

公留京從次崖公學習詩文，並與京中諸縉紳長者遊，見識日廣，嶄然顯露頭角。

嘉靖十二年癸巳

(公元一五三三年)

公十八歲

是年，公娶次崖公姪女林氏爲妻。林氏善詩詞，公將赴留都時，林氏曾賦五言古詩爲別。次崖公走筆和之，曰：「少小事清曠，物累本寡適。入仕三十年，志慮不改昔。盡道賈生狂，亦有文侯軾。棘庭參末議，王門謬通籍。未伸萬里足，忽脫中途軛。世道久陵夷，乾坤何窄迫。長卿病著書，曼倩倦執戟。昔賢多偃蹇，曰予何足惜。羨子抱古心，飄飄凌雲翮。功業貴及時，寧論遠行役。金氣入秋涼，群芳日向息。客途興獨佳，懷古身常側。丈夫志四海，別離何足惜。適心苟不負，顯晦寧異跡。」(錄自同安林次崖先生文集十七卷詩「外子洪舜臣將赴留都，以詩爲別，走筆和之。」)

六月嚴嵩由南京禮部尙書改任南京吏部尙書。林次崖公改任北京大理寺右寺丞(正五品)。

嘉靖十三年甲午

(公元一五三四年)

公十九歲

是年八月，公赴鄉試，雖錄於主司，但爲有力者所奪而落榜。公鬱鬱不樂，次崖公以書勉之。

嘉靖十四年乙未

(公元一五三五年)

公二十歲

公苦讀於鄉之獅子巖寺。獅子巖寺位於柏埔庄之西方，又稱西巖，一名普陀巖。寺門朝東，其

形狀如雄獅之首，故名爲獅子巖。

六月，次崖公請討遼東叛卒，直言官校被囚。上詰錦衣衛對狀，指揮王佐諱之。上怒，謫次崖公爲廣東欽州知州，尋陞廣東北海道僉事，兼管兵備。

嘉靖十五年丙申

（公元一五三六年）

公二十一歲

公在鄉苦讀，預赴明年鄉試。明制，三年大比，諸生試之於省，曰鄉試。中式者爲舉人。

四月，起許讚爲吏部尙書。讚字廷美，號松皋，靈寶人，弘治九年進士。嘉靖中累官至吏部尙書兼文淵閣大學士，卒諡文簡。緣明自洪武十三年正月，誅丞相胡惟庸後，遂罷中書省，避用

宰相之名。十五年仿宋制，設內閣，置中極殿

（舊名華蓋殿）

、建極殿

（舊名謹身殿，後改正心殿）

、武英殿、

文華殿、文淵閣、東閣，各置大學士，掌獻置可否，奉陳規誨，點檢題奏、票擬批答，以平允庶政；常侍天子於殿閣之下，並參預機務，統稱爲內閣，朝位班次，俱列六部之上。

五月，嚴嵩

（嵩字惟中，號介谿，江西分宜人，弘治十八年進士，入閣後，時人以分宜稱之。）

爲賀萬壽節進京，適庭議更修宋史，輔臣奏

請留嵩以禮部尙書兼翰林院學士，總理其事。十二月嵩接禮部尙書職，兼翰林院學士。時內閣首輔爲李時。時字宗易，號序菴，任丘人，弘治十五年進士，授編修。嘉靖中入閣爲首輔。

嘉靖十六年丁酉

（公元一五三七年）

公二十二歲

是年，公赴鄉試，高拔鄉科，成舉人。鄉人廈門塔頭人林大梁，字以任，號雙湖，與公同年同科中舉人，後成莫逆並結爲姻親（公侄親光聘雙湖孫女爲妻）。公中舉後，曾致書次崖公曰：「今之學者，一科一第焉耳，身家之計，咸取於斯，寧復遠望，心切恥之。」次崖公嘉偉其志，覆書贊之曰：「吾子賢乎哉！然忌無當，子必勉之。」是秋，公妻林氏染時疫，歿於家，後受贈爲淑人。

嘉靖十七年戊戌

（公元一五三八年）

公二十三歲

是年十二月，首輔少傅兼太子太師吏部尚書華蓋殿大學士李時卒。李時入閣數年，雖無大匡弼，而持論寬平，時稱長者，卒後贈太傅，諡文康。太師、太傅、太保，稱爲三公（各正一品），少師、少傅、少保稱爲三孤（各從一品），掌佐天子，理陰陽，經邦弘化，其職至爲尊重。無定員，無專授。太子太師、太子太傅、太子太保（各從一品），掌以道德輔導太子，而謹護翼之；太子少師、太子少傅、太子少保（各正二品），掌奉太子，以觀三公之道德而教誨焉；太子賓客（各正三品），掌侍太子贊相禮儀，規誨過失；皆東宮大臣，無定員，亦無專授。

李時卒後，夏言繼爲首輔，嚴嵩爲禮部尚書。夏言字公謹，號桂洲，江西貴溪縣人。正德十二年進士。十五年十月，由行人（行人正八品，職專捧節、奉使之事。凡頒行詔敕，冊封宗室，撫諭諸蕃，微聘賢才，與夫賞賜、慰問、賑濟、軍旅、祭祀，咸敘差焉。每歲朝審，則行人持節傳旨法司，遣成囚）選兵科給事中（按明制，給事中在吏、戶、禮、兵、刑、工、六部

編制之外，初屬通政司，後改自爲一部曹，分吏、戶、禮、兵、刑、工六科。掌侍從、稽察、補闕、拾遺、稽察六部百司之事。凡內外所上章疏下，分類抄出，參署付部，駁正其違誤，各設都給事中一人（正七品），左、右給事中各一人（從七品）。給事中人數，各科不同。吏科四人，

戶科八人，禮科六人，兵科十人，刑科八人，工科四人（並從七品）。同至御前請旨。凡大事廷議，大臣廷推，大獄廷鞫，皆預焉，與御史同爲諫官，稱爲科道。清制，改屬都察院，亦稱給諫。嘉靖二十年陞兵科右給事中，歷任禮科左給事中及兵科都給事中，後奉旨陞翰林院侍讀學士，尋陞禮部左侍郎、晉禮部尚書、吏部尚書，華蓋殿大學士，居首輔，卒追諡文愍。

嘉靖十八年己亥（公元一五三九年） 公二十四歲

正月，晉大學士夏言爲上柱國少師文淵閣大學士；顧鼎臣少保兼太子太傅武英殿大學士；嚴嵩加太子太保，嵩時年六十。顧鼎臣初名全，以夢改鼎臣，字九和，號未齋，崑山人。弘治十八年乙丑科進士第一，授修撰，累遷禮部右侍郎，尋以禮部尚書兼文淵閣大學士入閣參預機務。時夏言當國專橫，鼎臣素柔弱，不能有爲，充位而已。卒於官，贈太保，諡文康。

嘉靖十九年庚子（公元一五四〇年） 公二十五歲

是年，公學品大進，談吐舉止，大異尋常。

夏，次崖公奉兵部尚書毛伯溫（伯溫字汝厲，號東塘，吉水人，正德三年進士，嘉靖中累官工部尚書，改兵部，總督宣大山西軍務。卒後追諡襄愍。）之命，

往漳、泉等處募兵船，順道過家，見公極贊譽之。秋，公將北上會試，（鄉試中式成舉人之次年，即以舉人身份試之京師，曰會試。中式者，天子親策於庭，曰庭試，亦曰殿試。）次崖公爲公易名朝選，寓其意爲朝廷所選用，後遂以名。

七月，晉禮部尙書嚴嵩爲少保兼太子太保。嵩時六十有一；張居正時年方十六，應鄉試及第，成舉人。

十月，少保兼太子太傅武英殿大學士顧鼎臣卒。

嘉靖二十年辛丑（公元一五四一年）

公二十六歲

是歲三月十五日會試，公登二甲進士。（會試中式者，經廷試或殿試錄取後，分一、二、三甲，以爲名第之次序。一甲取三人，曰狀元、榜眼、探花，均賜進士及第。二甲若干人，賜進士出身。三甲若干人，賜同進士出身。通稱皆曰進士。士大夫又通以鄉試第一爲解元。會試第一爲會元。二、三甲第一爲傳臚。是科二甲中式賜進士出身者九十名，公列第廿四名。同郡晉江縣籍謝國賓列第六十六名。三甲賜同進士出身中式者二百零五名，晉江縣籍王惟中列第一一）公既第後，仍日夜讀書不輟，二親憐而阻之，弗能止。

是年，公續娶晉江安平蔡氏爲妻。

林次崖公罷官回鄉閒住，時年六十。

嘉靖二十一年壬寅（公元一五四二年）

公二十七歲

公由進士初任南京戶部山西清吏司主事（正六品），榷稅浙關，安人蔡氏隨行。其主持浙關，採用

輕稅便商政策。每年所課稅額，盈額而止，任商船自由往來，不再課徵，廢除一切陋規，凡屬公款，絲毫不染，且以私費接待過往稅吏。而其居家，則以節儉自持。如有不足，則貸於家鄉；又不足，則用夫人簪珥以充之。其時戶部係掌天下戶口、田賦之政令。南京戶部尚書爲周金（金字子庚，號約菴，武進人。正德三年進士，歷官戶部都給事中、戶部尚書，卒諡襄敏。）右侍郎爲夏邦謨（邦謨字舜俞，號松泉，四川涪州人。正德三年進士，授戶部主事，歷廣西、貴州布政使，進右副都御史，巡撫江南。累官至戶部尚書，改吏部尚書，致仕歸。）。

七月，首輔夏言被革職閒住，由翟鑾爲首輔。鑾字仲鳴，號石門，諸城人。弘治十八年進士，嘉靖中累遷吏部左侍郎，兼翰林院學士，入直文淵閣，後加少傅、武英殿大學士。卒諡文懿。八月，嚴嵩以少保、太子太保禮部尚書兼武英殿大學士，入值文淵閣，仍掌禮部事。吏科給事中沈良才（良才字德夫，號鳳崗，直隸泰州人。嘉靖十四年進士。十六年正月由庶吉士授兵科給事中，二十年陞吏科都給事中，累陞至兵部右侍郎。）御史童漢臣（

漢臣字仲良，號南衡，錢塘人。嘉靖十四年進士。擢御史，巡撫山西，以劾嚴嵩被謫。）等，論嚴嵩貪污奸諂，不宜玷命。上不聽。

十月，南京給事中王燁（燁字韜孟，號樗菴，金壇人。嘉靖十四年進士，吏科給事中。）御史陳詔（詔字廷詢，浙江青田人。宣德五年會試第一，授監察御史，陞四川按察副使，擢僉都御史。）復劾嚴嵩及其子世蕃貪虐濟惡，嵩疏辨乞休，上優詔慰留，疏劾者遭謫。

是年公長子謙出世。

嘉靖二十二年癸卯（公元一五一四年）

公二十八歲

公二十八歲

公調任南京戶部湖廣司署員外郎主事（正六品），仍任榷稅杭州北關職，以廉潔著聲。作「南京戶

部湖廣司題名記」

（是文已錄入於重印洪芳洲公文）

。陸公光祖

（光祖字與繩，號五臺居士，嘉興平湖人，嘉靖二十六年丁未進士，累官至

吏部尚書。卒後，贈太子太保，諡莊簡。父陸果，字元晉，號屠峰，嘉靖二十年辛丑進士，刑部主事。

於嘉靖四十年辛酉五月，曾撰「題洪芳洲先生

摘稿後」一文，曰：

「同安芳洲洪公，與余父同年進士，稔聞其賢，補菴（諱華雲，字從龍，補菴其號，無錫人。嘉靖二

十年辛丑進士，累官至南京刑部郎中，工文辭。

荆川

（唐順之字應德，別號荆川，武進人，精古文，登嘉靖八年會試第一，改庶吉士，擢右僉都御史。

二公，又數頌公

文行，竊企慕焉。癸丑歲，余補南祠部（南京禮部祠祭主事），以臘月望入南都，而公遷督學赴蜀，是日

先出都門，咫尺不獲見爲恨。已而於朱君玉所，得觀公所爲「戶部題名記」，甚愛之，惜未能盡見他文。茲與年家友華明伯存叔論文，言方刻公「摘稿」，余喜極求觀，而文就錄，從木上讀之，盡數篇，不覺起立而嘆。蓋公趣之正，行之堅，學之明，具可概見，奚獨文詞之美哉！然則，剛中發外，危峰壁立，其睥睨流俗，蔑如也。至其爲文，則紆徐委曲，優柔深厚，盎乎有容，春然而自得，不知其得於天者然耶？抑有所學而至之耶！他日宦轍四方，庶幾相遇，當拜公而請問焉。」

嘉靖二十三年甲辰

（公元一五四四年）

公二十九歲

公仍榷稅浙關。次子

（名不知）是年出世。

八月，內閣首輔翟鑾削籍，上加嚴嵩爲太子太傅，晉陞內閣首輔，嵩時六十五歲。是歲，公邑鄰郡漳州有一航海番舶，爲風飄流至日本，回航易得倭貨，牟利甚豐，歸告其黨，